

0717



## Святых царственных страстотерпец

Сборник для мужского хора

Редакция и составление Г.Смирнова

Храмъ Воздвиженна Честнаго Креста въ Алтѣфьево.

## СОДЕРЖАНИЕ

На Господи возвах, глас 2. Подобен «Егда от древа» (Напева Оптиной Пустыни).....	3
На Господи возвах «Ины стихиры», глас 6-й. Подобен «Все отложше» (Напева Оптиной Пустыни).....	8
На Господи возвах. На Литии (Текст) .....	13
На Стиховне, глас 5. Подобен «Радуйся Живоносный Кресте» (Напева Оптиной Пустыни).....	18
Слава глас 8. Подобен «О преславнаго чудесе» (Напева Оптиной Пустыни).....	21
На Стиховне и Утрени текст .....	23
Ирмосы «Волною морскою».....	27
Канон (Текст).....	31
На Хвалитех, глас 8. Подобен «О преславнаго чудесе» (Напева Оптиной Пустыни).....	36
На Хвалитех, на Литургии (Текст).....	42
Стихиры, глас 2. «Земле Русская». Подобен Доме Евфрафов (Напева Киево-Печерской Лавры).....	45

# На Господи, возвах: стихиры на 8

## Глас 2. Подобен: Егда от древа:

*Наѡва Оптиной Пустыни.*

Излож. Г.Смирнова.

Из глубины возвах к Тебе, Господи,

Т. I  
Т. II

Гос-по-ди, у-слы-ши глас мой. Ег-да на

Бар.  
Б.

цар-ство рос-сий-ско-е вен-ча - ше-ся, по-ма-зан-ни-че Ни-

ко - ла - е, то-гда у-серд-но мо-лил - ся е-си: Вла-ды-ко и

Гос - по-ди мой, на - ста - ви мя в де - ле, на не-же по -

слал мя е - си, да бу-дет со мно-ю пре-муд-рость Тво-я,

да разумею, что есть угодно пред очима Тво-и - ма,

0717 На Господи возвах.

и в день су - да Тво - е - го не - по - стыд - но воз - дам Те - бе

сло - во. Тем - же не о славе земной попечение и -

мел е - си, но па - че о сла - ве не - бес - ней.

Да будут уши Твои

Внем - лю - ще гла - су мо - ле - ни - я мо - е - го. Ег - да

на Свя - тей Ру - си тяж - ка - го ис - пы - та - ни - я вре - мя на - ста, тогда

ты, страстотерпче святой Ни - ко - ла - е, мо - лил - ся е - си о спа - се - ни -

и е - я, и се, я - в - ся икона Заступницы Дер - жав - ны - я,

я-ко знамение прияти-я влас - ти, на Пречистей рuce Царицы и

Вла-ды - чи-цы. Тем-же Рос-си - я, а - ще и властью

безбожных угне-те-на бысть, пред-ста-тель-ством Де-вы Бо-го -

ро - ди - цы и молитвами твоими со-со-хра-ни - ся.

Аще беззакония назриши, Господи, Господи, кто постоит;

Я-ко у Те-бе о-чи-ще - ни - е есть. Ег-да мно-зи беззаконницы

и вожди люд-сти - и вос-хотеша востати на веру, Царя и О -

те - чес - тво, тог-да ты, богомудре страсотерпче Ни-ко - ла-е,

0717 На Господи возвах.

бо - лезновал еси о на - ро - де тво - е - му и, ка -

и - нова братоубийства в державе своей из - бег - ну - ти хо - тя,

власть зем - ну - ю, сла - ву и по - четь о - ста - вил е - си,

все упование возлагая - на Бо - га. Тем - же ныне, предстоя

престолу Ца - ря цар - ству - ю - щих, мо - ли - ся о Дер - жа - ве Рос -

сий - стей и спа - се - ни - и душ на - ших.

Имене ради Твоего потерпех Тя, Господи, потерпе душа моя в слово Твое,

у - по - ва ду - ша мо - я на Гос - по - да.

4

Ег-да на-стаго-не - ни-е, за-точение и по-но-ше-ни - е,

тог-да твер-ду-ю ве - ру, на-дежду на Бога, чис-тей-шу-ю

лю-бовь, тер-пе - ни-е же и всепрощение по-ка-за - сте,

свя - тии Царственнии стра - сто-терп - цы, тво-ря-ще крот-ко

мо - лит - вы за вра - ги. Ве - лие на земли благочести - е

ва - ше, ве-ли-я на не-бе-сех сла-ва ва - ша.

# Ины стихиры, глас 6. Подобен: Все отложше:

## Наѣва Седмиезерской Пустыни

Излож. Г.Смирнова.

От стражи утренния до нощи, от стражи утренния,

1



Т.1  
Т.2  
Бар.  
Б.

да у-по-ва-ет Из-ра-иль на Гос - по - да. Все



у - пование на Бога-воз-ло-жив - ше, свя-ти-и Цар-ствен-ни-и



стра-сто-терп - цы, об - раз тер-пе-ни-я и стра-да - ни-я



всей Зем-ли Рос-сий-стей я - вис - те-ся. Вы бо, мо-ля-



ще-ся о му-чи - те-лех, кле-ве-ту, у-зы и из-гна - ни-е,



глу - мление, насмеяние - и о-бо-лга - ни-е,



у-би-е - ни-е и те-лес по-ру-га - ни-е му-жест-вен-не пре-тер-

пе - ли е-те. Се-го ра-ди вас при-сно про-слав - ля - ем.

Яко у Господа милость и многое у Него избавление:

и Той избавит Израиля от всех без - за - ко - ний е - го.

2

Все бла-го-чес-ти - е тво-е во Хри-сте бысть, святая

мученице Царице Александро Рос-сий - ска-я, при-шла бо еси от

лютеровы веры к пра - во - сла - ви-ю, е-гоже восприяла еси всем

серд - цем тво - им, воз - лю - бив - ши мо -

литву, храм Божий и святых отец уче - ни - я, и, я - ко ма-ти доб-

ро-нрав - на-я, во благочестии возрастила е-си ча - да тво-

я, и та - я у-готовала еси в непорочну - ю жер-тву

за Хри-ста. Се-го ра-ди ты при-сно про-слав - ля - ем.

Хвалите господа вси языцы,  
по-хва-ли-те е - го все лю - ди - е. Плод

бла-го-сла - вен мо-литв са-ров-ска-го чу-до-твор - ца

и ча - е-мый наследник Царственных ро - ди - те-лей быв,

на-дежда, слава и упование Рос-си - и в ра - дость

лю-дем пра-во-слав-ным я - вил - ся е - си, свя-тый Ца-ре-ви-чу

А-лек-си - е. Бо-жи-им же про-мыш-ле - ни-ем

мно - ги - я скорби и недуги измлада безропотно тер - пел

е - си и, я - ко аг - нец не - по - роч - ный,

у - биение от злочестивых - при - ял е - си,

ны - не же ликуеши, яко наследник Царствия Не-бес - на-го.

Се-го ра-ди тя прис - но у-бла-жа - - - ем.

Яко утвердися милость Его на нас,

и ис-ти-на Гос-под - ня пре-бы-ва - ет во век. Дще - ри

Ца-ре - вы, свя-ты-я му-че-ни-цы де - вы, ис - тин-ны-я

не-вес-ты Хри-сто - вы, Оль - го, Татиано, Марие и Ана - ста -

си - е, вы, я - ко мудрая евангельски-я

де - вы, е-лей ми-лосердия в душах присно храня -

щи-я, страж-дущим, нищым и болящим усердно по - служи - ли ес -

те и, за го-ня - щи-я вас даже до смерти Господа мо-  
ля - щи-я, в чер-то - зех Жениха Небеснаго все - ли - ли - ся  
ес-те. Се-го ради вас прис-но у - бла - жа - ем.

## НА ВЕЛИЦЕЙ ВЕЧЕРНИ

Блажен муж: **1-й антифон.**

**НА ГОСПОДИ, ВОЗЗВАХ: СТИХИРЫ НА 8, ГЛАС 2.**

**Подобен:** Егда от Древа:

**Егда́** на царство Российское венчашеся, помазанниче Нико́лае,/ тогда усердно моли́лся еси́:/ Влады́ко и Го́споди мо́й,/ настави мя в деле, на неже послáл мя еси́,/ да б́удет со мною премúдрость Твоя́,/ да разу-мею, что есть угодно пред очима Твои́ма,/ и в де́нь Су-да Твоего непостыдно воздам Тебе сло́во./ Темже не о славе земной попечение имéл еси́, // но паче о славе Не-бе́сней.

**Егда́** на святéй Руси́/ тяжкаго испытáния вре́мя настá,/ тогда́ ты, страсотерпче святы́й Нико́лае,/ моли́лся еси́ о спасéнии ея́,/ и сé, явился икона Заступницы дер-жа́вныя,/ яко знамение приития вла́сти/ на пречи́стей руце Царицы и Влады́чицы./ Темже Россия, аще и вла-стию безбожных угнетéна бы́сть,/ предста́тельством Девы Богорóдицы // и молитвами твоими сохрани́ся.

14

**Т**огда мно́зи беззаконницы и вожди лю́дстии/ восхотеша  
востати на веру, царя и оте́чество,/ тогда́ ты, богомудре  
страстотерпче Нико́лае,/ болезновал еси о наро́де  
твоём/ и, Ка́инова братоубийства в державе своей из-  
бе́гнути хотя́,/ власть земную, славу и почесть оста́вил  
еси́,/ всё упование возлагая на Бо́га./ Темже ныне,  
предстоя Престолу Царя ца́рствующих,/ моли́ся о дер-  
жаве Росси́йстей// и спасении ду́ш на́ших.

**Е**гда́ наста гонение, заточение и поноше́ние,/ тогда твер-  
дую ве́ру,/ наде́жду на Бога и чисте́йшую любо́вь,/ тер-  
пение же и всепрощение пока́жете,/ свя́тии ца́рственнии  
страстоте́рпцы,/ творяще кротко моли́твы за враги́./  
Ве́лие на земли благочестие ва́ше,// велия на Небесех  
слава ва́ша.

**Ины стихиры, глас 6.**

**Подобен:** Все отложше:

**В**се упование на Бога возложивше,/ свя́тии царствен-  
нии страстоте́рпцы,/ образ терпения и страдания всей  
земли Росси́йстей яви́стеся./ Вы бо, молящеся о му-  
чи́телех,/ клевету, узы и изгна́ние,/ глумление, на-  
смеяние и оболга́ние,/ убиение и телес поруга́ние/ му-  
жественне претерпе́ли есте́.// Сего ради вас при́сно  
прославля́ем.

**В**се благочестие твое во Христé бы́сть,/ святая муче-  
нице царице Александро Росси́йская,/ прешла бо еси  
от Лютеровы веры к Правосла́вию,/ егоже восприяла  
еси всем се́рдцем твои́м,/ возлюбивши моли́тву,/ храм  
Божий и свя́тых отец уче́ния,/ и, яко мати добро-  
ра́вная,/ во благочестии возрастила еси ча́да твоя́,/ и  
та́я уготовала еси в непорочную же́ртву за Христа́.//  
Сего ради ты при́сно прославля́ем.

**П**лод благославен молитв Саровскаго чудотворца/ и чаемый наследник царственных родителей быв,/ надежда, слава и упование Россіи,/ в радость людем православным явился еси,/ святой царевичу Алексіе./ Божиим же промыслением многия скорби и недуги/ измлада безропотно терпел еси/ и, яко агнец непорочный,/ убиение от злочестивых приял еси,/ ныне же ликуеши, яко наследник Царствия Небеснаго.// Сего ради тя присно ублажаем.

**Д**щери царицы, святые мученицы девы,/ истинные невесты Христовы/ Ольго, Татиано, Марие и Анастасіе,/ вы, яко мудрыя евангельския девы,/ елей милосердия в душах присно хранящия,/ страждущим, нищим и болящим усердно послужили есте/ и, за гонящия вас даже до смерти Господа молящия,/ в чертозах Жениха Небеснаго вселилися есте.// Сего ради вас присно ублажаем.

### **Слава, глас 6:**

**С**оюзом любви Христовы связуеми,/ седмочисленнии царственнии стратотерпцы,/ поношения и убиения не убойвшеся,/ первии, яко новомученицы,/ за Русь святую от безбожных пострадасте/ и образ исповедничества и ревности по Бозе/ верным людем покажете./ Темже, Земли Русския покровителие неусыпаемии явльшеся,/ Троицу Бога непрестанно молитесь о спасении отечества нашего// и всех с любовью вас почитающих.

### **И ныне, глас тойже:**

**К**то тебе не ублажит, Пресвятая Дево;/ кто ли не воспоет Твоего Причистаго Рождества;/ безлетно бо от Отца возсиявый Сын Единородный,/ Тойже от Тебе Чистыя пройде,/ неизреченно воплощся,/ естеством Бог Сый/ и естеством быв человек нас ради,/ не во двою лицу разделяемый,/ но во двою естеству неслитно познаваемый./ Того моли, Чистая, Всеблаженная,// помилуй души наши.

**Вход. Прокимен дне. И чтения.**

**Премудрости Соломоновы чтение (глава 3):** Праведных души в руке Божией, / и не прикоснется их мука. / Непщевани быша во очесех безумных умерети, / и вменися озлобление исход их. / И еже от нас шествие – сокрушение, они же суть в мире. / Ибо пред лицом человеческим аще и муку примут, / упование их безсмертия исполнено. / И в мале наказани бывше, / великими благодетельствовани будут, / яко Бог искуси я и обрете их достойны Себе. / Яко злато в горниле, искуси их / и, яко всеплодие жертвенное, приит я. / И во время посещения их возсияют / и, яко искры по стоблию, потекут. / Судят языком и обладают людьми, / и воцарится Господь в них во веки. / Надлежащая Нань уразумеют истину, / и вернии в любви пребудут Ему, / яко благодать и милость в преподобных Его / и посещение во избранных Его.

**Царств третьих чтение (главы 8 и 9):** Ста Соломон пред лицом олтаря Господня, / пред всем собором Израилевым, и воздвиге руку свою на небо, и рече: / Господи, Боже Израилев, несть якоже Ты Бог на Небеси горе и на земли низу, / храний завет и милость рабу Твоему, / ходящему пред Тобою всем сердцем своим, / иже сохранил еси рабу Твоему Давиду, отцу моему: / ибо глаголах еси усты Твоими и руками Твоими совершил еси, якоже день сей. / И ныне, Господи, Боже Израилев, / сохрани рабу Твоему Давиду, отцу моему, иже рекл еси ему, глаголя: / не оскудеет муж от лица Моего, сидя на престоле Израилеве, / только аще сохранит чада твои пути свои, еже ходити предо Мною, / якоже ходил еси предо Мною. / И услышиши молитву раба Твоего и людей Твоих Израиля, / о нихже помолются на месте сем: / и Ты услышиши на месте обиталища Твоего на Небеси, / и сотвориши и помилуеши. / Елика аще согрешит кийждо ко искреннему своему, / и аще примет на него клятву, еже кляти его, / и придет, и исповесть пред лицом олтаря Твоего в храме сем. / И Ты услышиши от Небес, и сотвориши суд людем Твоим Израилю, / осудити беззаконного, дати путь его на главу его, / и оправдити праведного, дати ему по правде его, / егда падут людие Твои Израиль пред враги, яко согрешат Ти, / и обратится к Тебе, и исповедятся имени Твоему, / и помолются, и возглаголют молитву к Тебе в храме сем. / И Ты услышиши с Небес, и милостив будеши о согрешениях людей Своих Израиля, / и возвратиши я в землю, юже дал еси отцем их, яко согрешат Ти, / яко несть человек, иже не согрешит, / и разгневаеши на ня, и предаши я пред враги, / и поплениши их пленении в землю далече или близ, / и обратит сердца своя в землю, а може преселиться, / и обратится, и помолются Тебе в земли преселения своего, глаголюще: / согрешихом, беззаконновахом, неправдовахом. / И обратится к Тебе всем сердцем своим и всею душею своею в земли враг своих, / а може превел еси их, / и помолются к Тебе по пути земли своей, юже дал еси отцем их, / и ко граду, егоже избрал еси, / и ко храму, егоже создах имени Твоему. / И услышиши от Небес, от готоваго жилища Твоего, молитву их и моление их, / и сотвориши оправдание им, / да будет Господь Бог наш с нами, якоже бе со отцы нашими, / да не оставит нас, ниже да отвратит нас, преклонити сердца наша к Нему, / еже ходити во всех путех Его / и хранити вся заповеди Его и повеления Его и оправдания Его, / иже заповеда отцем нашим. / И рече к нему Господь: / услышах глас молитвы твоея и моления твоего / иже молился еси предо Мною; / сотворих ти по всей молитве твоей, / и освятих храм сей, егоже создал еси, / еже положить имя Моё тамо во веки, / и будут очи Мои ту и сердце Моё во вся дни. / И ты, аще пойдеши предо Мною, / якоже ходит Давид, отец твой, в преподобии сердца и в правоте, / и еже творити по всем, иже заповедах ему, / и повеления Моя и заповеди Моя сохраниши, / и возставлю престол царствия твоего во Израили во веки, / якоже глаголах к Давиду, отцу твоему, глаголя: / не оскудеет ти муж властелин во Израили.

**Пророчества Исаиина чтение (главы 61 и 62):** Дух Господень на мне, Егоже ради помаза мя, / благовестити нищим посла мя, / изцелити сокрушенные сердцем, проповедати пленником отпущение и слепым прозрение, / нареши лето Господне приятно и день воздаяния, / утешити вся плачущия, / дати плачущим Сиона славу вместо пепела, / помазание веселия плачущим, украшение славы вместо духа уныния, / и нарекутся родове правды, насаждение Господне во славу. / Да возрадуется душа моя о Господе, / облече бо мя в ризу спасения и одеждею веселия одея мя, / яко на жениха, возложи на мя венец и, яко невесту, украси мя красотой. / И яко земля, растящая цвет свой, и яко вертоград семена своя прозябает, / тако возрастит Господь правду и



веселие пред всіми языки./ Сиона ради не умолчу и Иерусалима ради не поущу,/ дондеже изыдет, яко свет, правда моя/ и спасение мое, яко светило, разжжётся./ И узрят языцы правду Твою, и царие славу Твою,/ и прозовут Тя именем новым, имже Господь наменует е./ И будеши венец доброты в руце Господни/ и диадима царствия в руце Бога твоего,/ и не прозовешия ктому оставлен, и земля твоя ктому не наречётся пуста,/ тебе бо прозовётся воля моя, и земля твоя вселенная,/ яко благоволи Господь в тебе, и земля твоя вкупе населится./ И якоже живый юноша с девою, тако поживут сынове твой с тобою,/ и будет якоже радуется жених о невесте,/ тако возрадуется Господь о тебе.

### **НА ЛИТИИ СТИХИРЫ, ГЛАС 4:**

**Не прикасайтесь помазанным Моим,/ глаголет Господь Вседержитель./ Богопротивницы же боговенчанного царя убиша/ и не наследоваша землю благих,/ но улучиша смерть безконечную./ Ты же, святой мучениче Николае, помазанниче Божий,/ моли прилежно о нас, // да наследуем с тобою Царство Небесное.**

**Совети Божии не суть яко совети человечестии,/ глаголет Господь Вседержитель,/ оваго бо смиряет, оваго же возносит,/ оваго же мертвит и оваго живит,/ возставляет от земли убога/ и престол славы даёт ему./ Сего ради призре Господь/ на смирение возлюбленного помазанника Своего Николая/ и жива в Небесных обителях содела Его // яко да молится о спасении людей своих.**

### **Слава, глас 6:**

**Егда прииде година лютая/ и область темная объят землю Россійскую,/ тогда явишася избиеннии за слово Божие./ Ты же, царю мучениче,/ яко начаток страстотерпцев новых,/ с боголюбивою царицею, царственными чады и верными слугами твоими/ любовью зывал еси:/ приидите, принесем себе Богу в жертву живую/ и тако веру Православную свидетельствуим, // да Царствия Небеснаго сподобимся.**

### **И ныне, Богородичен:**

**Богородице, Ты еси лоза истинная,/ возрастившая нам Плод живота,/ Тебе молимся, молися, Владычице,/ с новомученики и царственными страстотерпцы, // помилвати души наша.**

# На стиховне стихиры, глас 5-й: Подобен: Радуйся:

*Напѣва Оптиной пустыни.*

Изложение Г.Смирнова.

1

Т. I  
Т. II

Бар.  
Б.

Ра-дуй-ся, Ца-рю Ни-ко - ла-е, по-ма - зан-ни-че Бо -

жий, рос-сий-ски-я дер-жа-вы хра-ни - те-лю и веры православныя

благочестивый рев-ни - те - лю, о ми-ре все-го ми-ра по-пе -

чи - те-лю, за-блужд-ших ис-тин-ный вра-зу-ми - те-лю,

скор-бящих, алчущих и стражду - щих у - те - ши-те-лю, мо-лит-вен-ни-

че о всех теп-лей - ший, ны-не к те-бе при-бе-га - ем,

Бо - жий у - год - ни - че и жерт - во все - у - серд -

на - я, мо - ли спа - сти - ся ду - шам на - шим.

Вознесох избранного

от лю - дей мо - их. Радуй - ся, Ца - рю Ни - ко - ла - е, Бо -

гом от рож - дства на муче - ние воль - ное по - свя - щен - ный и, я - ко - же

И - ов мно - го - стра - даль - ный, пра - вед - ность во стра - дании я - ви - вый,

ны - не же с Не - бес - ным Ца - рем цар - ству - яй, мо - ли - ся о Дер -

жа - ве Рос - сий - стей и спа - се - ни - и душ на - ших.

Елеем святым моим

3



по - ма - зах е - го. Ра - дуй - ся, стра - сто - терп - че Ни - ко - ла - е,



сла - во и красо - та россий - ских ца - рей и кня - зей,



я - коже святии страстотерп - цы и му - че - ни - цы Бо - рис,



Глеб и Анд - рей, от ближ - них тво - их пре - дан быв, у - би -



е - ни - е от клятвопреступников безбож - ных при - ял е - си,



ны - не же молишия о прощени - и вра - гов тво - их



и спа - се - ни - и душ на - ших.

# Слава: Глас 8-й: Подобен: О, преславнаго чудесе:

21

*Нанѣва Оптиной пустыни.*

Изложение Г.Смирнова.



Сла - ва Отцу и Сыну и Свя - то - му Ду - ху. Му - че - ни - че Ца - рю



Ни - ко - ла - е, от юности Царя славы воз - лю - бил е - си, да е - му



до смер - ти по - сле - ду - е - ши, я - ко - же Цер - ко - вь про - по - ве - ду - ет:



сла - ва Христа Бога Крест и Вос - кре - се - ни - е. Ны - не



же славу Небесную от Христа при - е - мый, при - и - ми и зем - но - е



про - слав - ле - ни - е и мо - ли спа - сти - ся ду - шам на - шим.

# И ныне: Глас 8-й: Подобен: О, преславнаго чудесе:

*Наѣва Оптиной пустыни.*

Изложение Г.Смирнова.



И ны - не и при-сно и во ве - ки ве-ков. А - минь.



О, пре - слав - на - го чу - де - се! Не - бе - се и зем - ли



Ца - ри - ца, от святых сродников наших у - мо - ля - е - ма - я,



до ныне землю Русску - ю по - кры - ва - ет



и ли - ка Сво - его изображении милостивно обо - га - ща - ет.



О, Вла - ды - чи - це Дер - жав - на - я! Не претани и на буду - ще - е



вре - мя во утверждение на Ру - си Пра - во - сла - ви - я  
ми - ло - сти и чудеса излива - ти до ве - ка. А - минь.

## НА СТИХОВНЕ СТИХИРЫ, ГЛАС 5.

**Подобен:** Радуйся:

**Р**адуйся, царю Николае, помазанниче Божий, / Российския державы хранителю / и веры Православныя благочестивый ревнителю, / о мире всего мира попечителю, / заблуждших истинный вразумителю, / скорбящих, алчущих и страждущих утешителю, / молитвенниче о всех теплейший, / ныне к тебе прибегаем, / Божий угодниче и жертво всеусердная, // моли спастися душам нашим.

**Стих:** Вознесох избраннаго // от людей Моих.

**Р**адуйся, царю Николае, / Богом от рождества на мучение вольное посвященный / и, якоже Иов Многострадальный, / праведность во страдании явивый, / ныне же с Небесным Царем царствуй, / молися о державе Российстей // и спасении душ наших.

**Стих:** Елеем святым Моим // помазах его.

**Р**адуйся, страстотерпче Николае, / славо и красото Российских царей и князей, / якоже святии страстотерпцы и мученицы / Борис, Глеб и Андрей, / от ближних твоих предан быв, / убиение от клятвопреступников безбожных приял еси, / ныне же молишися о прощении врагов твоих // и спасении душ наших.

### **Сла́ва, глас 8.**

**Подобен:** О, пресла́внаго чудесé:

**М**у́чениче царю́ Никóлае,/ от ю́ности Царя Славы возлюбíл еси́,/ да Ему́ до смёрти послéдуеши,/ я́коже Церковь проповéдует:/ сла́ва Христа́ Бога – Крест и Воскресéние./ Ныне же славу Небесную от Христа́ приéмый,/ приими́ и земное прославлéние// и моли спастися душáм нáшим.

**И ныне, глас и подобен тойже:**

**О**, пресла́внаго чудесé!/ Небесé и земли Царíца,/ от святых сродников нáших умоля́емая,/ до ны́не землю Русскую покрывáет/ и ли́ка Своего изображении милостивно обогащáет./ **О** Влады́чице держáвная!/ Не престáни и на будущее вре́мя/ во утверждéние на Руси Правосла́вия// милости и чудеса изливати до вéка. Амíнь.

**Тропарь, глас 4:**

**Д**несь, благовернии людие, свéтло почтíм/ седмери́цу честную царственных страстотéрпец,/ Христову едину домашнюю Цéрковь:/ Николáя и Алексáндру,/ Алексея, Ольгу, Татиану, Марию и Анастасию./ Тíи бо, уз и страданий многоразличных не убоя́вшеся,/ от богоборных смерть и поругание телес прия́ша/ и дерзнове́ние ко Господу в молитве улучи́ша./ Сего ради к ним с любóвию возопи́м:/ о святíи страстотéрпцы,/ гласу покаяния и стенанию народа нашего вонми́те,/ зéмлю Российскую в любви к Православию утверди́те,/ от междоусобных брани сохраните́,/ мíр миру́ у Бога испроси́те// и душам нашим велию мíлость.



## Слава, и ныне: Богородичен, глас 4:

**Е**же от века утаённое/ и а́нгелом несведомое та́инство:/ Тобою, Богородице сущим на земли яв́ися Бо́г,/ в неслы́тном соединении воплоща́ем,/ и Крест волею нас ра́ди воспри́им,/ и́мже воскресив перво́зданнаго,/ спасе от смерти души на́ша.

### НА УТРЕНИ

**На Бог Господь: тропарь стратотерпцем дважды. Слава, и ныне: Богородичен, глас 4: Еже от века утаённое:**

По 1-м стихословии седа́лен, глас 8.

Подобен: Повелённое та́йно:

Попечение имёл еси́ о ве́ре Правосла́вней, боговенча́нный царю́ Нико́лае,/ от апо́стол Цёркви на́шей преда́нной,/ разумя́ ей бы́ти Росси́йстей землі утвержде́нием.

**Слава, и ны́не, Богоро́дичен:** В поноше́нии и обдержании язы́ков есмь́,/ вси бо преогорчи́хом Сы́на Твоего́, и Той посети́ ны преще́нием Свои́м,/ но умоли́, Де́во Пре́чи́стая, от Тебе́ Ро́ждшагося,/ а́ще не до конца́ прогне́вался е́сть,/ да прости́т и поми́лует страну́ Росси́йскую.

По 2-м стихословии седа́лен, глас 8.

Подобен: Прему́дрости:

Егда́ богобо́рцы мучи́телие заточи́ша тя с ца́рицею, ча́ды и ве́рными слуга́ми твои́ми,/ тогда́ взыва́л еси́ псаломски:/ помяни́, Го́споди, Дави́да и всю кро́тость его́./ И по́слан бысть тебе́, царю́ Нико́лае, кро́ткому и смире́нному се́рдцем, вене́ц му́ченический,/ я́коже святы́м Бори́су, Гле́бу и Андре́ю./ Моли́ спасти́ся душа́м на́шим.

**Слава, и ны́не, Богоро́дичен:** Востани́, Влады́чице Держа́вная, и облече́тся Русь свя́тая в кре́пость свою́,/ и вода́ же́лчная от польни́и бу́дет нам я́ко медь,/ да напитáемся теснота́ми, и́же от Зижди́теля суть, и восхва́лим держа́ву Твою́.

### Велича́ние:

**Велича́ем вас,/ святы́и ца́рственнии стратоте́рпцы,/ и чтим честная́ страда́ния ва́ша,/ и́же за Христа́// претерпе́ли е́сте.**

### Псалом избранный:

**Бог** нам прибе́жище и си́ла, Помо́щник в ско́рбех, обрётших ны зело́, Сего́ ра́ди не убои́мся, внегда́ смуща́ется земля́. **Бо́же,** кто уподо́бится Тебе́, да не премолчи́ши, ниже́ украти́ши, **Бо́же. Я́ко** се врази́ Твои́ возшуми́ша, и ненави́дящи тя воздвиго́ша главу́. **На** люди́ Твоя́ лука́вноваша во́лею и совеща́ша на святы́я Твоя́. **Положи́ша** тру́пия рабо́в Твои́х бра́шно пти́цам небес́ным, плоти́ претодо́бных Твои́х зве́рем земны́м. **Проли́яша** кро́вь их, я́ко

воду. **Я**ко Тебѣ ради умерщвляемы есмь весь день, вменихомся яко овцы заклѣния. **П**оложил еси нас в притчу во языцех, и бых язвен весь день, разжегл еси ны, якоже разжизается сребро. **П**роидохом сквозѣ огнь и воду, и извел еси нас в покой. **В**еселитесь о Господѣ и радуйтесь, праведнии. **Я**ко Господь в роде праведных. **И** наследие их в веке будет. **В**озваша праведнии, и Господь услышал их. **С**вет возсия праведнику, и правым сердцем веселие. **П**амять вечную будет праведник. **С**вятым, иже суть на земли Его, удиви Господь вся хотѣния Своя в них. **Д**ивен Бог во святых своих. **П**раведник, яко финикс, процветет: яко кедр, иже в Ливане, умножится. **В**озвеселится праведник о Господѣ и уповает на Него. **И** похвалятся вси правии сердцем.

**Слава, и ныне. Аллилуиа [трижды].**

**По полиелѣи седален, глас 3:** Днесь царственнии страстотерпцы Россійстии/ предстоят Царю царствующих и Господу господствующих/ и с Державною Владычицею непрестанно молят Бога:/ спаси, Господи, люди Твоя/ и благослови достойные Твое,/ страну нашу Россійскую помилуй,/ Милостиве Вседержителю,/ во веки веков. Аминь.

**Слава, и ныне, Богородичен, глас тойже:** Вострубим трубою песней, воспойм согласно Царице Богородице:/ радуйся, Заступнице усердная,/ благоволением Твоим отечество наше от лет древних покрывающая/ и благодать тому источающая./ Темже, Тобою хвалящися, глаголем:/ Твой бо есмь раб, да не постыдимся.

**Степенна, 1-й антифон 4-го гласа.**

**Прокимен, глас 4:** Пролияша кровь их,/ яко воду. **Стих:** Вменихомся яко овцы заклѣния.

**Всякое дыхание: Евангелие от Матфея, зач. 36**

**Слава: Молитвами Царственных страстотерпец,/ Милостиве, очисти:**

**И ныне: Молитвами Богородицы:**

**По 50-м Псалме стихира, глас 6:**

**Страстотерпче Христов, Царю Николасе,/ по имееи твоему житиѣ твоему./ Сего ради врази твои не возмогша сокрыти славу твою./ Кроток бысть и молчалив во страданиях твоих,/ прося не мстити за себе./ Житие твое оклеветано бысть,/ кончина же твоя с мученики святыми славна.// Моли о душах наших.**

## Ирмосы Великой Субботы, глас 6

Ред. Г.Смирнова.

1

Т.1  
Т.2

Вол-но-ю мор-ско - ю срыв - шаго древле гоните-ля му - чи - те - ля,

Бар.  
Б.

под зем-ле - ю скры-ша спа-сен-ных от - ро-цы: но мы я-ко от-ро-ко -

ви - цы Гос - по-де-ви по-им сла-вно бо про-сла - ви-ся.

3

Те - бе на водах повесившаго землю нео - дер-жи - мо, тварь ви-дев-ши на

лоб-нем ви - си - ма, у - жа-сом мно-гим со-дро-га - ше-ся,

несть Свят, раз - ве Те - бе, Гос - по - ди, взы - ва - ю - щи.


4



На кресте Твое Божественное истощание про-ви-дя А-ва-кум,



у-жас-ся во-пи-я - ше: Ты силь-ных пре-секл е-си дер-жа-ву,



Бла - же, при - общаяся сущим во а - де, я-ко все-си - лен.

5



Бо-го-яв-ле-ни-я Тво-е - го, Хри-сте, к нам ми-лос-тив-но быв-ша - го,



И-са - и - а Свет ви-дев Не-ве-чер - ний, из но-ши у-тре-не-вав



взы - ва - ше: вос-крес - нут мерт-ви-и, и во-ста-нут су - щи-и



во - гро - бех, и все зем-но-род-ни-и воз-ра - ду - ют - ся.

6



Жи-тей-ско-е мо - ре, воз - двигаемое море зря на - пас-тей бу - ре -  
ю, к ти - хо - му пристанищу Твоему притек, во - пи - ю Ти:  
во - ве - ди от тли жи - вот мой, Мно - го - ми - лос - ти - ве.


7



Не-из-ре-чен-но-е чу - до, в пе-щи Избавивый преподобнии отро-ки из  
пла - ме - не, во гро - бе мертв, без-ды-ха-нен по-ла-га - ет -  
ся, во спа - се - ни - е нас, по - ю - щих: Из - ба -  
ви - те - лю Бо - же, бла - го - сло - вен е - си.

Хвалим, благословим.

Хва - лим, благословим, покланяем - ся Гос - по - де - ви, по - юще и превоз - но -  
ся - щи во вся ве - ки. У - жас - ни - ся бо - яй - ся не - бо, и да по -  
дви - жат - ся ос - но - ва - ни - я зем - ли: се бо в мерт - ве - цех вме - ня - ет - ся  
в Выш - них Жи - вый, и во гроб мал стран - но при - ем - лет - ся. Е - го -  
же отроцы благословите, священницы вос - пой - те, лю - ди - е превоз - но -  
си - те во вся ве - ки. Не ры - дай Ме - не, Ма - ти, зрящи во гро - бе.  
Е - го - же во чреве без семени зачала е - си Сы - на, во - ста - ну бо



и про-слав-лю-ся, и воз-не-су ео сла-во-ю не-пре-стан-но,  
я-ко Бог, ве-ро-ю и лю-бо-ви-ю Тя ве-ли-ча-ю-щи-я.

### Канон царственных страстотерпец, глас 6. Песнь 1

**Ирмос:** Волною морскою/ Скрывшаго дрéвле/ гонителя мучителя/ под землю скрыша спасенных óтроцы;/ но мы, яко отроковицы, // Господеви поим, славно бо прославися.

**Припéв:** Святии царственнии страстотерпцы, молите Бóга о нас.

Венценóсче Никóлае, вку́пе с мученическими ли́ки, ца́рицею, ча́ды и слуга́ми,/ предстояще у Престо́ла Христо́ва,/ просвещение нам да́руйте, озаряющее душ на́ших омрачение и нечу́вствие,/ я́ко да восхва́лим ра́достно ва́шу блаже́нную па́мять.

Ны́не прорече́ние Саро́вскаго ста́рца, я́ко просла́вльшаго мя просла́вит Бог, исполнися,/ просла́ви бо Це́рковь Ру́сская ца́рственного страстоте́рпца./ Те́мже вку́пе с преподо́бным мо́лится, во е́же стяжа́ти нам благода́ть Свята́го Ду́ха.

Се́рдце ца́рево в руце́ Бо́жией, глаго́лет Госпо́дь./ Ты же, и́стинный пома́занниче и слуго́ Госпо́день, благоговейне рекл еси́:/ не то́кмо жизнь мой, но и путе́ страны́ Росси́йския в руце́ Госпо́дней суть.

**Богоро́дичен:** Ты еси́ кре́пость на́ша,/ Ты еси́ похва́ла и ра́дование,/ Предста́тельница Непобеди́мая и Покро́в держа́вный страны́ Росси́йския, Пресвята́я Богоро́дице,/ с ца́рственными страстоте́рпцы и новомученики моли́ спасти рабы́ Твой.

### Песнь 3

**Ирмос:** Тебе, на водах Повесившаго всю землю неодо́ержимо,/ тварь видевши на Лобнем ви́сима,/ у́жасом многим содрога́шеся, // несть Свят, разве Тебе, Го́споди, взыва́ющи.

**Поругание и разорение земли своей от безбожных видя,**  
благочестивый царю,/ плакася из глубины сердечныя, яко  
пророк Иеремия, горце стени и молися за люди согрешившия:/  
Милостиве Господи, не остави их, оставльших мя.

**На земли алкал и жаждал еси правды Божией,/ за нюже**  
душу кротце положил еси, праведне Николае,/ обаче в  
Горнем Царствии насытился еси,/ идеже пребываеши во  
веки.

**Врачевания и чудеса точите, святии страстотерпцы,/**  
людem, верою к вам притекающим,/ темже печаль нашу на  
радость предложите молитвами вашими.

**Богородичен:** Прибежище, Вышний Покров Тя имама,/  
Благословенная Мати Божия,/ Твоею помощию сохрани и  
заступи нас, Всепетая.

**Седален, глас 4:** Егда мнози от сродник наших отступisha от Бога,/ отвратишася Божиих заповедей и восташа на Господа и помазанника Его,/ тогда гнев Божий на землю Русскую прииде,/ иссяче любви многих, пролияся кровь братий наших,/ расточishася людие Российсти по всему лицу земли,/ храми наши поруганию предашася,/ глади, нашествия иноплеменик постигоша ны, и быхом в посмеяние языков./ Мы же, разумюще сие, с сокрушением сердца в покаянии зовем:/ прости и помилуй нас, Господи, по велицей милости Твоей,/ очисти беззакония наша/ и подаждь страждущей стране Российстей/ предстательством царственных страстотерпец/ прощение грехов, мир и велию милость.

**Слава, и ныне, Богородичен:** Умоли, Милосердая Мати Света, Сына Твоего и Бога нашего/ о еже возставити державу нашу православную,/ сохранити ю в мире и благоденствии,/ избавити ны от междоусобных брани,/ укрепити Святую Церковь и оградити ю от неверия, раскола и ересей.

#### Песнь 4

**Ирмос:** На Кресте Твое Божественное истощание провидя, Аввакум,/ ужасся, вопияше:/ Ты сильных пресекл еси державу, Блаже,/ приобщаяся сущим во аде, // яко Всесилен.

Нищетюю духовною обогатился еси, святе Николае,/ и сотвори ты Господь достойна не токмо земнаго, но и Небеснаго Царствия.

Скорбию обдержим бысть, венценосче Николае,/ зря ослепление народа твоего,/ отрешагося от Царя Небеснаго, такожде же и земнаго.



Мужественне возложив упование на Бога в многострадальном земном служении твоём, якоже Иов иногда, / сторичею воздаяние приял еси на Небесех, / идеже ныне наслаждаешься, царственный мучениче.

**Богородичен:** Милосердия двери, Благословенная Богородице, отверзи нам, / да избавимся от бед и озлобления нашего, / во еже пети Тебе непрестанно: / Ты еси спасение рода христианского.

### Песнь 5

**Ирмос:** Богоявления Твоего, Христе, / к нам милостивно бывшего, / Исаия, Свет виде в Невечерний, / из ночи утреневав, / взываше: / воскреснут мертвии, и востанут сущии во гробех, // и вси земнороднии возрадуются.

Миротворец явился еси, царю Николае святыи, неся мир миру, / спасая и защищая тысячи во отечестве твоём и в иных странах, / сего ради сын Божий, по слову Господню, нареклся еси.

Изгнание, поношение, гонение и всяк глагол ложный, на вы реченный, / претерпесте, святии царственнии мученицы. / Радуйтесь убо и веселитесь, яко мзду вашу на Небеси приясте.

Служителие беззакония тайнаго, / венец терновый сплетше, возложивша на тя, царственная главо, / обаче дерзостная дела их погибоша яве.

**Богородичен:** В тину грехов впали есмы, / и люте потопа ны буря прегрешений. / Но, яко рождающая Спаса, Владычице, призри на ны, рабы Твоя, / и избави от страстей душевных.

### Песнь 6

**Ирмос:** Яг бысть, но не удержан в персех китовых Иона: / Твой бо образ нося, / страдавшего и погребению давшегося, / яко от чертога, от зверя изыде; / приглашаше же кустодии: / хранящи суетная и ложная, // милость сию оставили есте.

Всем православным заступник был еси, богоизбранный Николае, / народом Словенским защиту благу являяи / и, яко брат брату, помогаяи.

О сыне верный Святыя Церкви! / Ты ревнитель прославления святых явился еси, / храмов соиздатель, святых обителей благоуукрашитель, / Святыя Земли и Горы Афонския благотворитель, / просвещения православнаго попечитель и монашества покровитель.

## 34

В житий вáшем и в дéлах любвѣ образ христіаном бы́сте, / бо-  
говенчáннии цáрие Никóлае и Алексáндро, / полага́сте бо во  
главу́ угла Ка́мень, Христа́, Бо́га нáшего.

**Богорóдичен:** К Тебѣ прибега́ем, Цари́це держáвней, вѣрных  
покро́ве, / на Тя надѣжду возлага́ем спасѣния нáшего, / Пре-  
свята́я Влады́чице Богорóдице, не прѣзри нас.

### Кондак, глас 8:

**Избрáннии** Царѣм царствующи́х и Господем господ-  
ствующи́х от рода царей Росси́йских, / благовѣрнии  
мученицы, муки душевныя и смерть телесную за Христа  
при́мшии / и венцы́ Небѣсными увенчáвшиися, / к вам,  
яко покровителем нашим милостивым, с любовью благо-  
да́рне вопи́ем: // ра́дуйтесь, цáрственнии страстотерпцы, за  
Русь Святу́ю пред Богом усердни́и моли́твенницы.

**Икос:** Сла́вою и богáтством благоче́стия сия́ющии, / багряни́цею много-  
це́нною и венце́м украше́ннии, / мило́стию и пра́вдою в житий про-  
сия́вшии, / вѣру, надѣжду и любóвь к Бо́гу до конца́ яви́ли есте́. / К вам,  
яко покрови́телем нашим мило́стивым, / с любóвию благода́рне вопи́ем: /  
ра́дуйтесь, цáрственнии страстотерпцы, / за Русь Святу́ю пред Бо́гом  
усердни́и моли́твенницы.

### Песнь 7

**Ирмос:** Неизрече́нное чу́до, / в пещи́ Изба́вивый препо-  
добныя о́троки из пла́мене / во Грóбе мертв, бездыхáнен  
полага́ется / во спасѣние нас, пою́щих: / Изба́вителю,  
Бо́же, // благословѣн еси́.

Яко при́сных ва́ших, недужных вои́нов чадолюбне посещáете,  
цáрственнии мученицы, / и с любóвию их утешáете, / места́ же их упо-  
ко́ения слезáми ва́шими орошáете.

Вы есте́ образ супру́жества добродѣтельнаго и дете́й воспитáния благочес-  
тíваго, / святíи цáрие Никóлае и Алексáндро. / Дом ваш яко цветни́к ду-  
ховный соде́лавше, / на Небесѣх ны́не вку́пе со ча́ды лику́ете.

На высотѣ сла́вы человѣческа́я пребыва́я, / о Небѣсных при́сно помышля́л  
еси́, царю́ Никóлае, / áможе устремíся душа́ тво́я свята́я.

**Богорóдичен:** Всесвята́я Влады́чице, / оживи́ ум наш, умерщвлѣнный стра-  
стми́ мно́гими, / и укрепи́ ны богоуго́дная твори́ти, / да велича́ем Тя, яко  
Засту́пницу ро́да христіанскаго.

## Песнь 8

**Ирмос:** Ужаснися, бойся, Не́бо,/ и да подвижатся осно-  
ва́ния землі:/ се́ бо в мертвецех вменяется в Вы́шних Жи-  
вѣй/ и во Гроб мал странноприёмлется./ Егóже, отроцы,  
благословіте,/ священницы, воспóйте, // людие, превозно-  
сите во вся́ вѣки.

Егда́ угóдницы Бóжии предреко́ша вам путь мученический, я́коже Пáвлу проро́к  
Ага́в,/ вы, ца́рственнии страстоте́рпцы, не уклоні́тесь ни одесну́ю, ни ошу́юю,/ но  
му́жественне проидо́сте егó,/ взира́юще на Соверши́теля ве́ры Иису́са Христа́.

Во страда́ниих ва́ших, страстоте́рпцы святіи,/ не отверго́стесь Пути́, Истины и Живо-  
та́, Христа́ Бо́га на́шего,/ не устраши́тесь богобо́рцев,/ но в терпѣнии шѣствовасте  
ца́рским путе́м в жизнь вѣчную.

Увы́ нам, оте́ческа заветы́ попра́вшим,/ от обе́та ве́рности ца́рскому ро́ду, Це́рквию  
Свято́ю благослове́нному, отсту́пльшим/ и та́ко от пути́ Бóжия отлучи́вшимся./ Про-  
сти́ нас, Го́споди, за вся́ сія́ соде́янная/ и поми́луй моли́твами святы́х страстоте́рпец.

**Богоро́дичен:** Засту́пницу на́шу Тя ве́мы, Богоро́дице,/ непреста́нно бо о нас  
мо́лишися,/ во е́же пока́яться и испра́виться нам, упова́ние и прибе́жище душ на́ших.

## Песнь 9

**Ирмос:** Не рыдай Мене, Ма́ти,/ зрящи во Грóбе,/ Егóже  
во чреве без семене зачала еси Сы́на:/ востану́ бо, и про-  
сла́влюся,/ и вознесу́ со славою непреста́нно, я́ко Бо́г, //  
верою и любовью́ Тя велича́ющия.

Да воскрѣснет Русь Свята́я моли́твами ца́рственных страстоте́рпец и новомученик  
Твои́х, Го́споди,/ и да расточа́тся вси врази́ ей вско́ре,/ и от лица́ ей да бежа́т вси не-  
нави́дящии ю́ отны́не и до ве́ка.

Все упова́ние на Го́спода возложи́ державный царь наш./ Та́кожде и мы со упова́нием  
Го́споду помóлимся,/ да укрепі́т Он моли́твами Богоро́дицы и ца́рственного страсто-  
те́рпца страну́ на́шу в Правосла́вии/ и спасѣ́т ду́ши на́ша.

Яко досто́йное пѣние приимі́те, святіи страстоте́рпцы, ма́лое молѣние сіе́/ и, я́коже  
Христóс прии́т вдови́цы две́ лепте,/ не возгнуша́йтесь нас, ока́янных,/ страстьми́ обу-  
рева́емых, убо́гих чті́телей и служи́телей ва́ших.

**Богоро́дичен:** Державным Твои́м покрóвом, Чи́стая,/ рабы́ Твоя́ сохрани́ вся невре-  
ди́мы:/ Тя бо еди́ну има́мы прибе́жище в ну́ждах, утешѣ́ние в ско́рбех и побѣ́ду во  
бранѣх на́ших.

**Светілен:** Невечѣрнему́ Све́ту предсто́яще,/ страстоте́рпцы святіи ца́рственнии, с  
мученическими́ ли́ки,/ во испытáниих не оставля́йте ны моли́твами ва́шими.

**Слава, и ны́не, Богоро́дичен:** Ро́ждшая Свет Незаході́мый,/ просвѣща́ющий сидя́щих  
во тьме невѣ́дения и прѣлести,/ озари́ и нас, грѣшных, све́том Сы́на Твоего́.

# На хвалитех стихиры на 4, глас 8.

Подобен: О, преславного чудесе:

*Наѣва Оптиной пустыни.*

Излож. Г.Смирнова.

Хвалите Бога на силах Его,

①

Т.1  
Т.2  
Бар.  
Б.

хва-ли - те Е-го по мно-жес-тву ве-ли - чест-ви - я Е-го. О, пре-слав-

на-го чу-де-се! Свя-тии Царственнии страстотерпцы сед-мо-

чис - лен-ни - и в го-дину страданий за Христа сохраниша лю-бовь и вер -

ность Е-му, друг дру-га тя-го-ты но-ся - ще и та - ко ис-пол-ня -

ю-ще за-кон Е - го, се-го ра - ди ны-не на не-бе-си цар - ству - ют

и дер - зно - вен - но мо - лят - ся о спа - се - ни - и душ на - ших.

Хвалите Его во гласе трубнем,

хва - ли - те Е - го во псал - ти - ри и гус - лех.

2) О, бо - го - вен - чан - ный Ца - рю Ни - ко - ла - е, слав - ный слу - го Свя - ты - я

Цер - кве, хра - ни - те - лю е - я и за - щи - ти - те - лю,

из - бран - ный Бо - гом е - я по - кро - ви - те - лю, ве - ли - ка -

го Иустиниана подобниче, вонми гласу молени - я на - ше - го,

про - сти, за - щи - ти и укрепи заблужд - ших чад Тво - их,

да ве - ро - ю и любовьию просла - вим про - славль - ша - го тя.

The musical score is written for voice and piano. It consists of seven systems of two staves each. The first system is marked with a '2' in a circle. The lyrics are in Church Slavonic. The music features a mix of eighth and sixteenth notes, with some chords and rests. The piano accompaniment provides a harmonic foundation for the vocal line.

Хвалите Его в тимпане и лице,

Музыкальное произведение в нотной записи. Оно состоит из восьми систем, каждая из которых включает две стaves: верхнюю (сопрано) и нижнюю (альто). Музыка написана в тональности с двумя диэзами (F# и C#) и ритме 8/8. В начале первой системы (стр. 38) и в начале второй системы (стр. 39) присутствует цифра 3 в кружке, указывающая на третий вид нотации. Текст песни размещен под нотами. В конце каждой системы музыка завершается двойными вертикальными линиями. В конце второй системы (стр. 39) и в начале седьмой системы (стр. 40) встречаются знаки, напоминающие «железные» знаки, которые могут указывать на изменение тональности или ритма.

хва - ли - те Е - го во стру - нах и ор - га - не.

3 О, пре-слав-на-го чу-де-се! Свя-та-я му-че-ни-ца А-лек-

санд - ра, в гор - цем заточении от богоборцев бывши и ча - ю -

щи смер - ти за Хри - ста, вку - пе с четверицею дев муд - рых,

дще - рей сво-их, се, Же-них гря - дет, гла - го - ля.

У - го - то - вим све - тильники своя, да внидем вчер - тог Е - го

и об - ле - цем - ся вси о - деж - де - ю сла - вы Е - го.

Хвалите Его в кимвалех доброгласных, хвалите Его в кимвалех восклицания,

Музыкальный текст с нотами и русскими словами. Текст:   
Вся - ко - е ды - ха - ни - е да хва - лит Гос - по - да.   
О, бла - го - вер - ный Ца - ре - ви - чу А - лек - си - е, во сми - ре -   
ни - и серд - ца ты гла - го - лал е - си: вне - гда мне цар - ство - ва - ти,   
да не о - бря - щут - ся ни - щи - и и у - бо - зи - и.   
Ег - да же крест - ным пу - тем жи - ти - я тво - е - го и му - че -   
ни - ческою твоею кончиною в Царство Небесное воз - шел е - си и де -   
же имея дерзновение велие, молишия о всех, требующих тво - е - я по - мо - щи.

## Слава: Глас и подобен тойже:

Сла-ва Отцу и Сыну и Свя-то-му Ду - ху. О святая седмице Царственных  
стра-сто-тер - пец, Хри-стова похвало и сла - во! Со-изволением Отца Без-  
на-чаль - на-го, со-вершением Сына Еди-но-род - на-го и со-дей-стви -  
ем Святаго Духа мученицы за веру по - ка-за - сте - ся и Цар - стви-я Божия  
причастницы со-де - ла-сте-ся. При-имите покаяни-е на - ше и молитве  
Триедина-го Бо - га стра-ну на-шу Рос-сий-ску-ю в пра-во-сла - ви - и  
и единомыслии непоколеблему со-хра-ни - ти и спа-сти ду-ши на - ша.



## И ныне: Глас и подобен тойже:

41

И ны - не и при-сно и во ве-ки ве-ков. А - минь. О, пре-слав-на-го  
чу - де - се! Не - бе - се и зем - ли Ца - ри - ца,  
от святых сродников наших - у - мо - ля - е - ма - я, до ныне землю Русску - ю  
по - кры - ва - ет и ли - ка Сво - его изображении милостивно обо - га -  
ща - ет. О, Вла - ды - чи - це Дер - жав - на - я! Не престани и на буду - ще -  
е вре - мя во утверждение на Ру - си Пра - во - сла - ви - я  
ми - ло - сти и чу - де - са из - ли - ва - ти до ве - ка. А - минь.

## НА ХВАЛИТЕХ СТИХИРЫ НА 4, ГЛАС 8.

**Подобен:** О, преславнаго чудесе:

**О**, пресла́внаго чудесе́!// Святѣи царственнии страстотерпцы седмочѣсленнии/ в годину страданий за Христа сохраниша любовь и верность Ему́,/ друг друга тяготы носяще/ и тако исполняюще закон Его́,/ сего ради ныне на Небесѣ царствуют// и дерзновенно молятся о спасении душ наших.

**О** боговенчанный царю Николае,/ славный слуго Святыя Церкви,/ хранителю ея и защитителю,/ избранный Богом ея покровителю,/ великаго Иустиниана подобниче,/ вонми гласу моления нашего,/ прости, защити и укрепи/ заблуждших чад твоих,// да верою и любовью прославим Преславльшаго тя.

**О**, пресла́внаго чудесе́!// Святая мученица Александра,/ в горцем заточении от богоборцев бывши/ и чаючи смерти за Христа,/ вкупе с четверицею дев мудрых, дочерей своих,/ се, Жених грядет, глагола./ Уготовим светильники своя,/ да внидем в чертог Его́// и облекусь вси одеждою славы Его́.

**О** благоверный царевичу Алексіе,/ во смирении сердца ты глаголал еси:/ вегда мне царствовать,/ да не обрящутся нищии и убозии./ Егда же крестным путем жития твоего/ и мученическою твоею кончиною/ в Царство Небесное возшел еси,/ идеже имея дерзновение велие,// молишися о всех, требующих твоея помощи.

**Слава, глас тойже:**

**О** святая седмице царственных страстотерпец,/ Христова похвало и славо!/ Соизволением Отца Безначальнаго,/ совершением Сына Единороднаго/ и содействием Святаго Духа/ мученицы за веру покажетесь/ и Царствия Божия участницы соделаетесь./ Примите покаяние наше/ и молитте Троица Божия/ страну нашу Российскую/ в Православии и единомыслии непоколеблему сохранити// и спасти души наша.

**И ныне, глас тойже.**

**Подобен: О, преславнаго чудесе:**

**О, пресла́внаго чудесе́!// Небесе́ и земли Цари́ца,/ от свя-  
тых сродников на́ших умоля́емая,/ до ны́не землю Рус-  
скую покрыва́ет/ и ли́ка Своего изображении милостивно  
обогаща́ет./ О Влады́чице держа́вная!// Не престáни и на  
будущее вре́мя/ во утверждение на Руси Правосла́вия//  
милости и чудеса изливати до ве́ка. Ами́нь.**

**Славословие великое и отпуст.**

**Тропарь, глас 4:**

**Днесь, благовернии людие, свѣтло почтѣм/ седмери́цу че-  
стную царственных страстотѣрпец,/ Христову едину до-  
машнюю Цѣрковь:/ Никола́я и Алекса́ндру,/ Алексия,  
Ольгу, Татиану, Марию и Анастасію./ Тѣи бо, уз и стра-  
даний многоразличных не убо́явшеся,/ от богоборных  
смерть и поругание телес при́яша/ и дерзнове́ние ко Гос-  
поду в молитве улу́чиша./ Сего ради к ним с любóвию во-  
зопи́им:/ о святѣи страстотѣрпцы,/ гласу покая́ния и сте-  
нанию народа нашего вонми́те,/ зѣмлю Россійскую в  
любви к Православию утверди́те,/ от междоусобных бра-  
ни сохрани́те,/ ми́р мируи у Бога испроси́те// и душам  
нашим велию ми́лость.**

**Слава, и ныне: Богородичен, глас 4:**

**Еже от века утаѣнное/ и а́нгелом несведомое та́инст-  
во:/ Тобою, Богородице сущим на земли яви́ся Бо́г,/ в  
неслі́тном соединении воплоща́ем,/ и Крест волею нас  
ра́ди воспри́им,/ ѣмже воскресив первозда́ннаго,/ спа-  
се от смерти души на́ша.**

**Моли́тва:** О святѣй страстотѣрпче, царю́ мучениче Николае! Господь ты избра́ помазанника Своего́, во  
ѣже милостивно и право суди́ти людем твоим и хранителем Цѣркве Правосла́вныя быти. Сего́ ра́ди со  
стра́хом Божіим ца́рское служѣние и о душа́х попече́ние соверша́л еси́. Господь же, испыту́я тя, я́ко  
Иова Многострада́льнаго, попусти́ ти поноше́ния, ско́рби горькия, измену, преда́тельство, бли́жних  
отчужде́ние и в душе́вных му́ках земна́го ца́рства оставле́ние. Вся сія́ ра́ди блага́ Россіи, я́ко ве́рный  
сын ея́, претерпе́в и, я́ко истинный раб Христовъ, мученическую кончи́ну приѣм,

Небе́снаго Ца́рства дости́гл еси́, иде́же наслажда́еши Вы́шния сла́вы у Престо́ла всех Царя́, кúпно со  
свято́ю супру́жницею твоѣю, цари́цею Алекса́ндрою, и ца́рственными ча́ды Алексіем, Ольгою, Та-  
тиа́ною, Мари́ею и Анастасіею. Ны́не, имѣя дерзнове́ние ве́лие у Христа́ Царя́, моли́, да прости́т Гос-  
подь грех отступле́ния наро́да нашего, и пода́ст грехо́в прощѣние, и на всякую добродѣтель наста́вит  
нас, да стяжи́м смире́ние, крото́сть и любóвь и сподо́бимся Небе́снаго Ца́рствія, иде́же кúпно с тобо́ю  
и все́ми святѣи́ми новомученики и испове́дники Россійскими просла́вим Отца́ и Сы́на и Свята́го Ду́ха,  
ны́не и при́сно, и во ве́ки веко́в. Ами́нь.

## НА ЛИТУРГИИ

**Блаженны на 8, песни 3-я и 6-я.**

**Тропарь, глас 4:**

**Д**несь, благовернии людие, свѣтло почтѣм/ седмерицу честную царственных страстотѣрпец,/ Христову едину домашнюю Цѣрковь:/ Николая и Александру,/ Алексия, Ольгу, Татиану, Марию и Анастасію./ Тѣи бо, уз и страданий многоразличных не убоявшеся,/ от богоборных смерть и поругание телес приѣша/ и дерзновѣние ко Господу в молитве улучиша./ Сего ради к ним с любовію возопиѣм:/ о святѣи страстотѣрпцы,/ гласу покаяния и стенанию народа нашего вонмите,/ зѣмлю Россійскую в любви к Православию утвердите,/ от междоусобных брани сохраните,/ мѣр мирови у Бога испросите// и душам нашим велию мѣлость.

**Кондак, глас 8:**

**И**збранныи Царѣм царствующих и Господем господствующих от рода царей Россійских,/ благовернии мученицы, муки душевныя и смерть телесную за Христа приѣмшии/ и венцы Небесными увенчавшиися,/ к вам, яко покровителем нашим милостивым, с любовію благодарне вопиѣм:// радуйтеся, царственнии страстотерпцы, за Русь Святую пред Богом усерднии молѣтвенницы.

**Прокимен, глас 7:** Гóсподи, сілою Твоєю возвеселѣтся царь// и о спасѣнии Твоѣм возрадуется зело. **Стих:** Желание сѣрдца его дал еси ему и хотѣния устну его неси лишил его. **Апóстол к Рѣмляном, зачало 99. Аллилуїя, глас 1. Стих:** Яко царь уповает на Гóспода и мѣлостію Вышняго не подвижится. **Стих:** Вознесѣся, Гóсподи, сілою Твоєю, воспоѣм и поѣм сілы Твоѣ. **Евангелие от Иоанна, зачало 52. Причастен:** Гóсподи, спаси царя и услыши ны,/ воньже аще день призовѣм Тя.

**Величание:**

**В**еличаѣем вас,/ святѣи царственнии страстотѣрпцы,/ и чтим честная страдания ваша,/ иже за Христа// претѣрпѣли есте.

# Земле Русская

*Напева Киево-Печерской лавры*

Зем - ле Рус - ска - я, гра - де свя - тый,  
у - кра - шай Твой дом  
в нем - же Бо - жест - вен - ный ве - лий сонм свя - тых про - сла - ви.  
Господи, Господь наш, / яко чудно Имя Твое по всей земли.  
Цер - ковь Рус - ска - я, кра - суй - ся  
и ли - куй: се бо ча - да Тво - я  
пре - сто - лу Вла - дыч - ню во сла - ве пред - сто - ят ра - ду - ю - щие - ся.

Святым, иже суть на земли Его, удиви Господь/ вся хотения Своя в них.

Со - бо-ре Свя-тых Рус - ских, Пол-че Бо-жест - вен -

ный, мо-ли-те-ся ко - Гос - - по-ду о зем-ном

О-те-чест-ве ва - шем и о по-чи-та-ю-щих вас лю-бо - ви - ю.

Слава, глас и подобен тойже:

Но - вый до - ме Ев-фра фов, у-де - ле из-бран -

ный, Русь Свя-та - - я! Хра-ни

Ве-ру Пра-во-слав-ну-ю: в ней-же те-бе ут-верж-де - ни - е.